

吳潔為掌隸院判決事○已酉

御夕講○夜三更坤方有氣如火至

于四更○日暈○忠清道公州忠州清州鴻山全羅道鍾安任實等邑

兩雹

公州境內尤甚大如雞卵或如米塊翌日乃消

○庚戌

御夕講○憲府啓曰吏曹判

書韓效元本月二十五日政以其同姓五寸叔作散人韓晟擬授義盈

庫主簿又以異姓三十姪女夫忠勲府都事李光胤擬陞敦寧府僉正

此人等雖非法當相避皆是切親而一日之政擬注此二人略無忌憚

至為猥濫任銓衡之長者不忌公論至此則必有後弊請速適之韓晟

光胤請並改正傳曰韓晟光胤於效元皆非法當相避况敦寧府官負

必以先王先后議親擬望其擬光胤於僉正有何不可效元不可輕

適韓晟光胤亦不可改正史臣曰效元亦附安老驟登廊廟物議鄙之

然安老之輩欲叢史禍力止不從可嘉○辛亥傳曰近來軍令解弛與

祖宗朝不同人君治國必先嚴明軍令然後可以御衆今者闕門射矢

若搖鈴將及守門將等闕直者頗多予豈每為煩數摘奸乎兵曹另

加檢舉可也○上詣孝敬殿親行夕上食○壬子御晝講○領議政

鄭光弼左議政李荇右議政張順孫等啓曰自二三年來連歲旱荒又

至今年自春徂夏一不下雨野無青草故牛馬之鬻尚不能得之災變